



JAVNA ZDRAVSTVENA USTANOVA
CENTAR ZA FIZIKALNU MEDICINU,
REHABILITACIJU I BANJSKO
LIJEČENJE „ILIDŽA“ GRADAČAC
Broj: 09-1672/2022
Datum: 18.07.2022. god.



Na osnovu člana 64. stav (1) tačka b), člana 70. st. (1), (3) i (6) Zakona o javnim nabavkama („Sl. glasnik BiH“, broj 39/14), na Preporuku Komisije za javnu nabavku broj: 09-1670/2022 od 18.07.2022. godine, u postupku javne nabavke Nabavka, isporuka i montaža bolničkih kreveta, direktor Javne zdravstvene ustanove Centar za fizikalnu medicinu, rehabilitaciju i banjsko liječenje „Ilidža“ Gradačac dana 18.07.2022. godine donio je

ODLUKU

o izboru najpovoljnijeg ponuđača za javnu nabavku roba
Nabavka, isporuka i montaža bolničkih kreveta

Član 1.

Prihvata se Preporuka Komisije za javne nabavke broj: 09-1670/2022 od 18.07.2022. godine i ugovor za javnu nabavku Nabavka, isporuka i montaža bolničkih kreveta u JZU Centar za fizikalnu medicinu, rehabilitaciju i banjsko liječenje „Ilidža“ Gradačac dodjeljuje se ponuđaču „DERBY TRADE“ d.o.o. Brčko, ponuda broj: 09-1347/2022 od 14.06.2022. godine za ponudenu cijenu 13.750,00 KM bez PDV-a.

Član 2.

Ugovor će se zaključiti nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude ili u slučaju da na ovu Odluku nema žalbe, ugovorni organ dužan je zaključiti ugovor u roku od 10 dana od dana obavještanja učesnika postupka o izboru najpovoljnijeg ponuđača.

Izabrani ponuđač dužan je u roku od 5 dana od dana prijema Odluke o izboru najpovoljnijeg ponuđača dostaviti traženu dokumentaciju.

Član 3.

Za izvršenje ove odluke zadužuje se i ovlašćuje Komisija i Služba nabave.

Član 4.

Ova odluka objavit će se na web-stranici www.banjagradacac.com istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 09-1210/2022 od 26.05.2022. godine.

Javna nabavka je provedena putem konkurentskog zahtjeva za dostavu ponuda.

Procijenjena vrijednost javne nabavke bez PDV-a je 12.500,00 KM.

Broj obavještenja o nabavci: 412-7-1-109-3-9/22, a objavljeno je na Portalu javnih nabavki dana 27.05.2022. godine.

Poziv za preuzimanje tenderske dokumentacije iz sistema “E-nabavke” poslan je sljedećim ponuđačima:

- „ARK“ d.o.o. Sarajevo,

- „MEDTOUCH“ d.o.o. Banja Luka,
- „DERBY TRADE“ d.o.o. Brčko.

Prema izvještaju o preuzimanju tenderske dokumentacije od strane ponuđača broj postupka: 412-7-1-109/22 tendersku dokumentaciju iz sistema „E-nabavke“ preuzelo je 20 (dvadeset) ponuđača.

Ponudu su dostavili slijedeći Ponuđači:

1. „KIS PRODUKT“ d.o.o. TRN, ponuda broj: 09-1340/2022 od 13.06.2022.godine sa ponudenom cijenom 14.750,00 KM bez PDV-a,
2. „DERBY TRADE“ d.o.o. Brčko, ponuda broj: 09-1347/2022 od 14.06.2022. godine sa ponudenom cijenom 13.750,00 KM bez PDV-a.

Komisija za javnu nabavku izvršila je ocjenu dostavljenih ponuda, te je konstatovala slijedeće:

1. Ukupan broj primljenih ponuda : 2 (dvije).
2. Ponude su blagovremeno zaprimljene na protokol ugovornog organa.
3. Pripadljive su ponude ponuđača:
 - „KIS PRODUKT“ d.o.o. TRN broj: 09-1340/2022 od 13.06.2022. godine
 - „DERBY TRADE“ d.o.o. Brčko broj: 09-1347/2022 od 14.06.2022. godine.

Komisija za javnu nabavku dalje je konstatovala:

Ponuđač „KIS-PRODUKT“ d.o.o. Trn je u svojoj ponudi broj: 09-1340/2022 od 13.06.2022.godine na stranici broj 22. dostavio Katalog/Prospekt/Tehničku dokumentaciju na kojoj se nalazi tekstualni opis ponuđenog bolničkog kreveta i tri fotografije različitih bolničkih kreveta.

U skladu sa tačkom 3.4.2. alineja c) Tenderske dokumentacije broj: 09-1219/2022 od 27.05.2022.godine, ponuđači su dužni da na katalogu/prospektu/tehničkoj dokumentaciji ili drugoj vrsti dokumentacije označe proizvod koji nude, a što je ponuđač „KIS-PRODUKT“ d.o.o. Trn propustio učiniti u svojoj ponudi broj: 09-1340/2022 od 13.06.2022.godine.

U skladu sa članom 68. stav (3) Zakona o javnim nabavkama („Službeni glasnik BiH”, broj:39/14) i tačkom 5.2.2. Tenderske dokumentacije broj: 09-1219/2022 od 27.05.2022.godine, Komisija za javnu nabavku dostavila je navedenom ponuđaču Zahtjev za pojašnjenjem dostavljene dokumentacije, broj Zahtjeva: 09-1458/2022 od 28.06.2022.godine.

Komisija za javne nabavke zahtijevala je da ponuđač „KIS-PRODUKT“ d.o.o. Trn dostavi detaljno pojašnjenje ponuđenog bolničkog kreveta uz obavezno označavanje fotografije koja prati tekstualni opis bolničkog kreveta iz ponude, a s ciljem otklonjanja formalnog nedostatka dokumenta u skladu sa članom 68. stav (3) Zakona o javnim nabavkama („Službeni glasnik BiH”, broj:39/14) i tačkom 5.2.2. Tenderske dokumentacije broj: 09-1219/2022 od 27.05.2022.godine.

Ponuđač „KIS-PRODUKT“ d.o.o. Trn dostavio je Pojašnjenje dostavljene dokumentacije broj: 09-1461/2022 od 29.06.2022.godine (u daljem tekstu:Pojašnjenje), u kojem navodi slijedeće:

„Na dostavljenom katalogu se jasno vidi da je .

Slika 1. je slika bolničkog kreveta.

Slika 2. je slika tražene bočne ograde izrađene od aluminijuma

Slika 3. je slika mjesta ugradnje trapeza i infuzionog stalka.“

Ponuđač je u Pojašnjenju dostavio i Katalog iz Ponude sa označenim fotografijama, i to:

Slika 1. Bolnički krevet,

Slika 2. Bočna ograda,

Slika 3. Slika mjesta ugradnje trapeza i infuzionog stalka.

Međutim, i pored dostavljenog Pojašnjenja, Komisija za javnu nabavku nalazila se u dilemi da li će se svi zahtijevani elementi bolničkog kreveta (slike 2. i 3.) moći instalirati na bolnički krevet prikazan na Slici 1. Kataloga iz Ponude jer nije dostavljena fotografija koja prikazuje kompletan bolnički krevet sa bočnom ogradom i trapezom.

Komisija za javnu nabavku dostavila je ponuđaču „KIS-PRODUKT“ d.o.o. Trn Zahtjev za dopunu pojašnjenja broj:09-1945/2022 od 29.06.2022.godine, u kojem zahtijeva da navedeni ponuđač dostavi dopunu Pojašnjenja u formi fotografije bolničkog kreveta prikazanog na Slici 1. Kataloga sa instaliranim traženim elementima tj. sa bočnom ogradom prikazanoj na Slici 2. i trapezom prikazanog na Slici 3. Kataloga iz Ponude.

Ponuđač „KIS-PRODUKT“ d.o.o. Trn dostavio je Dopunu pojašnjenja broj:09-1497/2022 od 04.07.2022.godine, kojim je otklonio dilemu Komisije za javnu nabavku o mogućnosti instaliranja ponuđenih elemenata sa slike 2. i slike 3. (bočne ograde i trapeza) na ponuđeni bolnički krevet sa slike 1. iz Kataloga.

Shodno navedenom, Komisija za javnu nabavku konstatovala je da su prihvatljive dvije ponude, te da su ispunjeni uslovi za zakazivanje e-aukcije.

Nakon preuzimanja izvještaja o toku i završetku e-Aukcije broj: 412-7-1-109/22 od 12.07.2022.godine, Komisija za javnu nabavku konstatovala je da je Konačna rang lista ponuđača koji su učestvovali u e-aukciji sljedeća:

- | | |
|-------------------------------|-------------------------|
| 1. „DERBY TRADE“ d.o.o. Brčko | 13.750,00 KM bez PDV-a |
| 2. „KIS PRODUKT“ d.o.o. Trn | 14.750,00 KM bez PDV-a. |

Komisija je primjenjujući kriteriji najniže cijene konstatovala da je najpovoljniji ponuđač „DERBY TRADE“ d.o.o. Brčko, ponuda broj: 09-1347/2022 od 14.06.2022. godine sa ponuđenom cijenom 13.750,00 KM bez PDV-a, te predložila direktoru da sa istim zaključi ugovor o javnoj nabavci roba Nabavka, isporuka i montaža bolničkih kreveta.

U skladu sa članom 70. st. (1), (3) i (6) Zakona o javnim nabavkama („Sl. glasnik BiH“, broj 39/14) i Preporukom Komisije za javnu nabavku broj: 09-1670/2022 od 18.07.2022. godine, odlučeno je kao u članu 1. ove Odluke.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.



DIREKTOR:

Sejdic Nihada
Sejdić dr. Nihada,

spec. fizikalne medicine i rehabilitacije

DOSTAVITI:

1. Ponuđačima x2
2. Web stranica Ugovornog organa,
3. A/a.